

字林書契
角一齋

光緒庚寅閏月

璞山署檢

字林考逸卷一

序

唐六典載書學博士以石經說文字林教士字林之學闕
魏晉陳隋至唐極盛故張懷瓘以爲說文之亞今字書傳
世者莫古於說文玉篇而字林實承說文之緒開玉篇之
先字林不傳則自許氏以後顧氏以前六書相傳之脈中
闕弗續夫玉禾琬樹至寶也雲雷之觚丁辛之卣貴器也
藏而忽散苟旦旦而購之物物而積之其復也雖未必稱
其藏也而纖悉足珍矣余於字林亦同斯志爰是參覈典
墳兼及二藏音義鉤沈起滯積累歲年遂成八卷綴集旣

竣復綜論之昔人謂字林補說文之闕而實亦多襲說文爾雅釋天釋文謂霽字林作霽而不知說文原作霽五經文字謂字林以謚爲笑聲而不知說文原以謚爲笑聲於此見字林本集說文之成非僅補闕而已乃其補闕又非一端有說文本無而增之者如五經文字所云祧禰逍遙是也有說文本有而文各異體者如說文作蜡字林作禘說文作琕字林作瑀是也至說文載古文籀文李燾疑爲呂氏增益後人因而附入豈知叔重原書本合古籀不待增益封演謂呂氏更按羣典搜求異字撰爲字林然則忱所補者書非一體後人未必專取古籀收系許氏此其說

未精究者也。余爲是編，蒐羅散佚，枕書體例略見於茲。諸家異說，多所考鏡，然而載籍極博，耳目易窮，未克求諸六合之外，而先失諸跬步之間，補遺正誤，是又俟諸博識君子矣。乾隆四十七年四月十七日，興化任大椿書。

例

字林亡佚，當在宋元之間。通考載李燾說，謂枕本書不可遽使散落，則南宋初已患散落矣。宋岳珂九經三傳沿革例詳列小學諸書，尙載字林。至戴侗六書故云：其傳於今則有說文、玉篇、類篇諸書，不及字林。然則元時字林不傳明矣。明修永樂大典於每韻每字之首，臚列見存小學之

書略無遺漏獨不見字林則永樂時是書亡佚已久

焦竑經籍

志載之竑志於古書存亡多不核實未足爲據

今說郛所存字林與諸書徵引者

全殊若所載一字數音條內全用古今韻會部次定非呂忱之書故茲編未敢收入

是書編次皆從說文部分李燾謂字林見存比說文部敘初無移徙故今特據其說

部內諸字爲說文所有者則列於每部之首悉據說文之先後爲先後統標文若干其爲說文所無者則列於每部之末悉據所引書之先後爲先後更於文若干之下小註說文無三字以異之間有疊字如澆滔之類則姑據第一

夏

文

說文所有

如重束爲束並束爲棘日乘千爲旱從千爲肝此類上下左右相易而音義各殊與此異例

隋志載宋揚州督護吳恭字林音義五卷今諸書所引反切或多爲恭之所加似當次反切於訓詁之後然若周禮庖人釋文引此書胥先於反蟹蟹也則音在前而義在後其前後既無定例則編排悉仍原文不敢有所倒置其或一字數條見於各書者則依上下文勢以類相貫或亦依書之先後次之

每條字句或諸書徵引全同悉列諸書名目於其下用表符契之合或字句小異必兩存之各標所出以備參定各書所引有祇載原字不及訓詁音讀者若詩時邁釋文

引柴字禮記中庸釋文引鵲字之類今俱於所註書名下略摭書中之說庶可悉其端緒

經典釋文多有云一音或音卽其條例所云採自淺近不標名氏者也然一音或音或適與字林之文相承則未知其本爲字林所引抑或爲德明所加界畫未明頗難去取今俱附註於各條之下以存疑云

經典釋文閒有大書一字附註數字下引字林音義者若爾雅釋畜釋文大書駟字下註云字或作駟說文字林云赤馬黑毛尾也今考說文本有駟字無駟字則是以或作之駟爲說文字林之本字矣然究未敢執爲定例字林已

亡卽以所引說文例之若釋草釋文大書𪔐字下云本又作薤說文云菜也今考說文無薤字有𪔐字是仍以大書𪔐字爲說文之本字又若釋蟲釋文大書螫字下註云螫亦作蠍說文云垂腴今考說文有螫字無蠍字是仍以大書螫字爲說文之本字據此則亦不敢以又作亦作之字決爲字林之本字矣今所編緝仍從釋文體例大書第一字而以又作亦作字註其下俾閱者可以互考

若多部狂
狂至部蟄

贅之類

釋文有云呂作某音者若爾雅釋訓釋文煇呂郭並音浮釋蟲釋文蜺呂郭牛結反釋魚釋文蠟呂火全反蜮呂豬

秋反釋鳥釋文鷁呂巨立反鷁呂郭丑絹反鷁呂音艾鷁
呂郭方世反鷁呂郭音罩凡此俱不知其爲呂忱字林抑
爲呂靜韵集故未敢載入各部而略標於此

通考載李氏陳氏說云是書無善本今李陳所見之本又
亡其附見羣書者傳寫必多謬誤仍俟博識君子加是正
焉

陸善經新字林於此書多所補益其書亦亡今并附錄於
各部之末體例同前

錄

魏書術藝江式傳延昌三年三月式上表曰晉世義陽王

典祠令任城呂忱表上字林六卷尋其況趣附托許慎說文而按偶章句隱別古籀奇惑之字文得正隸不差篆意也

後周書趙文深傳太祖以隸書紕繆命文深與黎景熙沈遐等依說文及字林刊定六體成一萬餘言行於世

北史
刪府

元龜文
深傳同

隋書經籍志字林七卷晉苻令呂忱撰

隋書潘徽傳徽爲韻纂序曰三蒼急就之流微存章句說文字林之屬唯別體形

唐六典吏部考工員外郎掌天下貢舉之職凡諸州每歲

貢人其類有六五曰書其明書則說文六帖字林四帖

禮部尚書侍郎之職掌天下貢舉之政令凡舉試之制每

歲仲冬率與計偕其科有六五曰書凡明書試說文字林

取通訓詁兼會雜體此爲通

註說文六帖字林四帖兼口試不限條數

國子博士掌教文武官三品以上及國公子孫從二品以

上曾孫之爲生者五分其經以爲之業其習經有暇者命

習隸書并國語說文字林三蒼爾雅每旬前一日則試其

所習業書學博士掌教文武官八品以下及庶人之子爲

生者以石經說文字林爲顓業餘字書亦兼習之石經三

體書限三年業成字林一年

通典試說文字林凡十帖

說文六帖
字林四帖

口試無常限皆通者

爲第

唐司馬貞信陵君傳索隱呂姓忱名作字林者

唐孫愐唐韵序曰及案三蒼爾雅字統字林說文玉篇石經聲韵聲譜九經諸子史漢三國志晉宋後魏周隋陳宋兩齊書本草姓苑風俗通古今注賈執姓氏英賢傳王僧孺百家譜周何潔集文選諸集孝子傳輿地志及武德以來創置迄開元三十年並列注中

唐張參五經文字序例後有呂忱又集說文之所漏略著字林五篇以補之今制國子監置書學博士立說文石經

字林之學舉其反義歲登下之亦古之小學也說文體包古今先得六書之要有不備者求之字林

張懷瓘書斷晉呂忱字伯雍博識文字撰字林五篇萬二千八百餘字字林則說文之流小篆之工亦叔重之亞也封演聞見記晉有呂忱更按羣典搜求異字復撰字林七卷亦五百四十部凡一萬二千八百二十四字諸部皆依說文說文所無者皆呂忱所益

五百家韓詩註凡六官書學者教以石經說文字林

舊唐書經籍志字林十卷呂忱撰

新唐書藝文志字林七卷呂忱撰

新唐書百官志國子監五分其經以爲業各六十人暇則集隸書國語說文字林三蒼爾雅書學石經說文字林爲顓業兼習餘書

蜀林罕小說序惟太尉祭酒許慎取其形類作偏傍條例十五卷名之曰說文頗有遺漏呂忱又作字林五卷以補其缺洎三國之後歷晉魏陳隋書盛行篆書殆將泯滅

見墨

池篇

崇文總目初秘書丞上言國子監所收史記漢書誤請行校正詔翰林學士張觀知制誥李敬宋祁與靖洎直講王洙於崇文院讎對靖等悉取三館諸本及先儒註解訓傳

六經小說字林說文之類數百家之書以相參校

見通考
經籍考

冊府元龜呂忱爲弦令撰字林七卷

通志字林七卷晉弦令呂忱撰

宋岳珂九經三傳沿革例今所校本之以許慎說文呂忱
字林張參五經文字唐元度九經字樣顏魯公千祿字書
分毫補註字譜參以毛晃增韻及其子居正所著六經正
誤

宋李燾新編許氏說文解字五音韻譜序晉東萊縣令呂
忱繼作字林五卷以補叔重所闕遺者于叔重部敘初無
移徙忱書甚簡顧爲他說揉亂且傳寫訛脫學者鮮通今

往往附見說文蓋莫知自誰氏始

古文籀文疑是呂忱增入今或以附見說文或

在陽冰以前若說文元自有此則林罕不應謂忱補許氏遺闕也戎字當是增入上字則說文元自有矣

陳振孫書錄解題字林五卷晉弦令呂忱撰太乙山僧雲勝註按隋唐志皆七卷三朝國史志惟一卷董氏藏書志三卷其書集說文之漏略者凡五篇然採雜錯亂非完書也

修校韻略五卷祕書省正字莆田劉孟容以說文字林干祿書五經文字九經字樣佩觿復古篇等書修校

山堂考索前集唐取士之科有明字科學館諸生試書書學石經說文字林先口試通乃墨試說文字二十條通十